



UGOVOR

o javnoj nabavci usluga čišćenja i održavanja higijene radnih prostorija u PTO Butile

KJKP "Sarajevogas" d.o.o. Sarajevo, Ul. Trg Fadile Odžaković Žute 4, Sarajevo,
Koga zastupa: Direktor Preduzeća Mr.sc. Nihada Glamoč, dipl.ing.maš. (u daljem tekstu: Kupac),
i

Atalian Global Services BH d.o.o., Ul. Bulevar Franca Lehara 2, 71000 Sarajevo,
Koga zastupa: Direktor Neira Uzunović, (u daljem tekstu: Prodavac),

Član 1.

Na osnovu zaključenog **Okvirnog Sporazuma broj 203/18 od 05.09.2018. godine**, a po provedenom otvorenom postupku nabavke usluga čišćenja i održavanja higijene radnih prostorija u PTO Butile broj TD-05-14/18, ugovorne strane zaključuju **ugovor br. 1 (jedan)** o nabavci predmetnih usluga.

Član 2.

Predmet ovog ugovora je nabavka usluga čišćenja i održavanja higijene radnih prostora u PTO Butile po provedenom otvorenom postupku nabavke broj TD-05-14/18. Prodavac usluga je dostavio ponudu prema Obrascu za cijenu ponude broj: SP-OJ04-TD-05-14/18-1, koja je priložena je ovom ugovoru i predstavlja njegov sastavni dio.

Član 3.

Ugovorna vrijednost usluga iz člana 1. ovog ugovora bez PDV-a iznosi: **40.915,00 KM (slovima: četrdesethiljadadevetstotina petnaest KM)**, a cijene su specificirane u prilogu ovog Ugovora.

Član 4.

Prodavac će usluge iz člana 1. izvršavati prema Obrascu za cijenu ponude SP-OJ04-TD-05-14/18-1 nakon zaključenja ovog ugovora. Ugovorne strane su saglasne da se kvalitativni i kvantitativni prijem izvršenih usluga izvrši od strane ovlaštenih predstavnika svake ugovorne strane.

Član 5.

Prodavac će obračun izvršenih usluga u toku mjeseca, vršiti krajem mjeseca u skladu sa Obrascem za cijenu ponude, koji je prilog ovom Ugovoru. Kupac će plaćanje izvršiti u roku **od 30 (trideset) dana** nakon prijema uredno ispostavljene poreski ispravne fakture, na transakcijski račun prodavca naveden na fakturi.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane u izvršavanju njihovih ugovornih obaveza.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.



Član 8.

Prodavac je u obavezi da svakodnevno čisti i održava higijenu radnih prostora u PTO Butile u toku redovnog radnog vremena od 07:30 do 16,00 sati - tekuće održavanje, i poslijepodnevni satima kada završava radno vrijeme od 16,00 sati, kada se pristupa aktivnom obavljanju ovih poslova u punom obimu. Kompletnu opremu sa kojom će se obavljati predmetne usluge kao što su mašine za čišćenje, usisivači, oprema za manuelno čišćenje i potrošni materijal obezbjeđuje prodavac usluga. Za neuredno pružanje predmetnih usluga kupac će zaračunati penale u iznosu od 1% iznosa mjesečne fakture, s tim da ukupan iznos penala ne može biti veći od 5% ukupne vrijednosti ugovora.

Član 9.

Ukoliko Kupac u ugovornom roku iz člana 5. ovog ugovora ne plati cijenu za izvršene usluge obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 11.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 13.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor

Neira Uzunović

Broj ugovora,

06.09.2018.



Za Kupca:

Direktor Preduzeća

Mr.sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj ugovora 204/18 od 05.09.2018. godine